

A Casa do Escudo de Verín acolle por terceiro ano consecutivo ArtVerín, exposición de artes plásticas na que participan vinte e catro artistas da nosa comarca. A mostra inauguratease o venres día 8, e clausurarse o día 23 de abril, sábado de Paixón. No acto inaugural, que comenzará ás 19 horas, está prevista a participación do alcalde de Verín, Juan Manuel Jiménez Morán, e entre os convidados figuran os membros dos grupos políticos municipais verinenses, e as persoas vinculadas ás artes plásticas na comarca.

ArtVerín está organizada polo Concello de Verín, e conta coa colaboración de diversas empresas da comarca, como Supermercados DyD, Adega Crego e Monaguillo, A Cociña da Pepa, Pastelería Primavera e Panadería González. O obxectivo desta mostra é divulgar as creacións dos artistas comarcais no seu ámbito xeográfico. Para iso, considerouse que as datas comprendidas entre o Lázaro e a Semana Santa poderían ser propicias para esta iniciativa, ao facilitar a participación do público comarcal en días de lecer, dos que aproveitan estas datas para regresar temporalmente e das persoas que nos visitan neste período festivo e vacacional.

Pinturas, esculturas, cerámicas, fotografías e instalacións compoñen o catálogo de obras que se exhiben. Os artistas participantes en ArtVerín 2011 son Alvárias, Andrea, Aurora López, Beni Lorenzo, Beny, Carlos Folgoso, Flor Fernández, Isabel Delgado, Julio Pousada, Karma Gösbür, Leonardo, Luis Pachón, Manuela Sánchez, Marilar Salgado, Marisa Pardo, Maritina, M. Fornos, Minda, Pedro Araújo, Plácido L. Rodríguez, Rosa, Toño Santamarina, Víctor Rodríguez e Xosé Rivada. Cada autor presenta unha ou dúas obras, representativas da súa creación actual, seleccionadas polo propio artista.

A diversidade de estilos, técnicas, materiais e soportes que caracterizan á arte actual reflíctese nesta mostra. Aínda que en ArtVerín predominen a figuración, a paisaxe e unha concepción más tradicional do quefacer artístico. Óleos, acrílicos e acuarelas, sobre lenzo, papel ou aglomerado, forman parte da variedade de materiais e soportes utilizados polos pintores. En escultura, podemos encontrar desde terracotas a traballos realizados con madeira, metal, pedra, materiais industriais e mesmo con refugallos. Os fotógrafos preséntannos obras a cor. Instalacións e cerámicas, serven para facernos reflectir sobre a amplitude do feito artístico. A arte acolle na actualidade desde traballos que a tradición consideraba exclusivamente utilitarios, caso da cerámica, a creacións efémeras que, baixo a denominación xenérica de instalacións, sitúannos nas marxes do propio feito artístico.

A exposición poderase visitar de luns a sábado, das 10 ás 14 horas e das 16.30 ás 20.30 horas.